

## Молитва за гонимых христиан.

Милосердный Господи, Боже сил!

Из глубины душевныя смиренно вопием Ти: силою Креста Твоего смири дерзость ненавидящих и хулящих Имя Твое Святое, оскверняющих и разрушающих святыню храмов Твоих и люте гонящих верных чад Твоих.

Всем страждущим и изнемогающим за исповедание веры во имя Твое послы Ангелов Твоих святых, да укрепляются в несении благаго ига Твоего евангельским покровом и предстательством Пресвятыя Богородицы и всех святых Твоих.

Многомилостивый Господи! Болезненным сердцем, со слезами молимся Тебе, призри на вопль, стенание и умиленные молитвы всех верных людей, от нападения врагов Твоих, Господи, страждущих, из святых храмов Твоих изгнанных и поношения терпящих.

Умилосердись, Господи, над младенцы, светом святого Крещения незаренныя, отроки, юноши и девы, соблазняемыя ненавистниками Имени Твоего на нечестие и богохульство, над старцы и болящия, над всеми, лишенными благодатного утешения и христианского погребения.

Всех же, Тебе ради принявших мученическую кончину, сподоби со святыми Твоими в вечной славе царствовать.

На Кресте моливыйся за распинателей Твоих и приемый в последний час разбойничье покаяние, не погуби, о Господи, гонителей святыя веры и Церкви Твоея, но, аще возможно, даруй и им радость познати Тя, Божественную Любовь и Премудрость, и дни свои в истинном покаянии скончати.

На Тя, Господи уповаем и не постыдимся во век, Ты бо еси Заступление наше, и Тебе, в Троице покланяемому, славу вси воссылаем, ныне и присно и во веки веков. Аминь.